

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo prostornog  
uređenja, građenja i zaštite okoliša



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство просторног  
уређења, грађења и заштите  
околиша

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Physical Planning Construction  
and Environmental Protection

Broj: 05/03-19-27823-97/20-pz  
Sarajevo, 10.8.2020. godine

**PREDSJEDAVALAČI**  
**SKUPŠTINE KANTONA SARAJEVO**  
- Mirza Čelik -

**PREDMET: Odgovor na zastupničko pitanje zastupnice Neire Dizdarević**  
**VEZA: Vaš dopis br. 01-04-27823-35/20 od 29.7.2020. godine**

Dana 5.8.2020. godine Ministarstvo prostornog uređenja, građenja i zaštite okoliša, zaprimilo je od strane Skupštine Kantona Sarajevo, dopis br. 01-04-27823-35/20 od 29.7.2020. godine, uz koji je priloženo zastupničko pitanje, uvažene zastupnice Neire Dizdarević, koje glasi:

**PREDMET: ZASTUPNIČKO PITANJE**

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničko pitanje Ministarstvu prostornog uređenja, građenja i zaštite okoliša:

“Zahvaljujem na odgovoru akt broj 05/03-19-12553-237/20-pz od 27.05.2020. godine u kojem ističete da ručno prikupljanje informacija o pozajmicama od strane upravnika nije racionalno. Uvažavajući dato pojašnjenje ostajem pri zahtjevu iz zastupničkog pitanja, te insistiram da mi se dostave traženi podaci, s tim da se ne moraju dostaviti u roku predviđenim Poslovníkom Skupštine Kantona Sarajevo, već do 01.11.2020. godine.

Upravnici i njihovi uposlenici svakodnevno pristupaju računima zgrada, te mogu čak i ručno za ovo vrijeme prikupiti tražene podatke.”

S poštovanjem,

.....  
**Neira Dizdarević**  
Zastupnica Naše stranke u Skupštini Kantona Sarajevo



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029. Fax: + 387 (0) 33 562-031  
Sarajevo, Reisa Džemaludina Čauševića 1



## ODGOVOR:

U zastupničkom pitanju, uvažene zastupnice Neire Dizdarević, koje je dostavljeno Ministarstvu prostornog uređenja, građenja i zaštite okoliša, uz Vaš dopis br. 01-04-12553-37/20 od 20.5.2020. godine, zatraženo je da Ministarstvo prikupi informacije o pozajmicama koje su upravnici dali zgradama u 2017., 2018. i 2019. godini. Zatraženo je da se dostave sljedeći podaci:

- Adresa zgrade,
- Ime i prezime predstavnika etažnih vlasnika koji je potpisao pozajmicu.
- Tačan datum dodjeljivanja pozajmice,
- Tačan iznos pozajmice i
- Trenutno stanje računa zgrade.

Napominjemo, da su ovo „živi“ podaci koji se mijenjaju na dnevnoj bazi.

U odgovoru na ovo pitanje Ministarstvo je navelo da upravnici zgrada nemaju informatičke programe (software) koji bi mogli automatski izbaciti podatke koji se traže, o svakoj pozajmici ili odgođenom plaćanju. Izdvajanje ovih podataka ručno, bi zahtijevalo ogromno vrijeme i nije racionalno da se to traži.

Umjesto traženog, Ministarstvo je navelo da posjeduje podatke, koliko svaki upravnik, na dan 31.12. svake godine, ima posuđenih sredstava etažnim vlasnicima ili izvršenih radova održavanja na odgođeno plaćanje, i dostavilo tabelu za sve upravnike za tri navedene godine.

U ovom pitanju, uvažena zastupnica Neira Dizdarević, je navela da insistira da joj se dostave traženi podaci do 1.11.2020. godine.

Pitanje pozajmica upravnika i obavljanje radova održavanja na odgođeno plaćanje nije tretirano, kao obaveza, u Zakonu o upravljanju zajedničkim dijelovima zgrade („Službene novine Kantona Sarajevo“ broj 19/17 i 17/18), već je to dobra volja upravnika, te upravnici nisu imali obavezu da posjeduju softvere koji mogu automatski izbaciti tražene podatke.

Imajući sve prethodno u vidu, obavještavamo Vas da upravnici zgrada u Kantonu Sarajevo i Ministarstvo prostornog uređenja, građenja i zaštite okoliša, nemaju dovoljno tehničkih i ljudskih resursa da bi, pored ostalih obaveznih aktivnosti, mogli ručnom tehnikom izdvajati tražene podatke i vršiti njihovu obradu, objedinjavanje i sortiranje po navedenom zahtjevu.

**MINISTAR**

**Faruk Kapidžić dipl. ing. arh.**

DOSTAVITI:

1. Naslovu
2. Služba za skupštinske poslove + CD
3. Sekretar Vlade Kantona Sarajevo
4. a/a